

Илм-ма'рифат targ'ibotchisiga aylangan «Al-Isloh» jurnali kimlar tomonidan nashr etilgandi?

Илм-маърифат тарғиботчисига айланган

«Ал-Ислоҳ» журнали кимлар томонидан нашр этилганди?

Илм, зиё тарқатувчи, халқнинг маънавий, сиёсий онгини ўстирувчи матбуотсиз бугунги кунимизни тасаввур этиш қийин, албатта. Зеро, у оммавий ахборот тўловчи, таҳлил қилувчи ва тарқатувчигина эмас, балки тарихни муҳрлагувчи восита вазифасини ҳам бажаради.

■ Мозийдан садо

Яқин ўтмишга назар солар экан-миз, матбуот замон тарихи саҳифаларини биттувчи ишончли манбалардан бири бўлиб хизмат қилганига яна бир қарра амин бўламиз. Хусусан, миллат, миллий озодлик, миллий маданият учун кураш, дин ва Ватан ҳақидаги оташин мақолаларга тўла миллий матбуотимиз ўз даврида халқни гафлат уйқусидан уйғотиш, маърифат зиёси сари етаклашга интиганини кўрамиз.

1906 йилдан бошлаб, Тошкент, Самарқанд, Фарғона каби шаҳарларда катта меҳнат ва таъйибларга қарамасдан бирин-кетин Мунавварқори Абдурашидов, Маҳмуджон Беҳбудий, Маҳмуджон Обидов, Убайдулла Асадуллаҳўжаев ҳамда бошқа маърифатпарвар ҳадидлар, тараққийпарвар зиёлилар томонидан газеталар, жур-

наллар чоп этила бошланди. Зиёлиларимиз миллат юксалиши ва уйғониши учун, аввало, илм-маърифат эгаси, шу билан бирга, дунё воқеаларидан, ўз иқтимоий аҳволи ҳамда сиёсий янгиликлардан мунтазам хабардор бўлиши зарурлигини тушундилар. Улар матбуотда қолоқликка юз тутган эскича қарашларни қоралаб, жамият ва ҳатто халқнинг қарашларини ислоҳ этишни тарғиб қилдилар.

Ана шундай нашрлардан бири 1915 йил 14 январда Абдураҳмон Сайёх ва Мунавварқори Абдурашидов ташаббуси ҳамда сайёх-ҳаракати билан ташкил қилинган "Ал-Ислоҳ" журнали эди. 1915 — 1918 йиллар оралиғида ушбу журналнинг етмиш етти сони нашр этилади.

"Ал-Ислоҳ" тез орада ўз ўқувчиларига эга бўлди ва унда ўша даврнинг

кўзга кўринган уламолари, мудarrisлари, маърифатпарварлари, адиблари ўз мақолалари билан иштирок этдилар. Мазкур материалларда дин, имон-эътиқодни химоя қилиш, шу билан бирга, диний ҳаётда ислохотлар ўтказиш лозимлиги ҳақидаги масалалар, таълим ва маориф мавзуси ўз аксини топган эди. Хусусан, журнал саҳифаларидан ўрин олган диний-маърифий мавзудаги мақолаларда халқ ўз маслак ҳамда эътиқодида собит туришга, турли ёт ғоя ва қарашларга қарши чиқишга чақирилган. Мақолаларда уламолар, маърифатпарвар зиёлилар орасидаги низолар, бўлинишлар ҳамда четдан кириб келган турли ноисломий ақида, эътиқод, хурофот ва бидъатлар масаласи акс этган, уларни ислоҳ қилиш кун тартибига қўйилган эди. Шу мақсадда журнал саҳифаларида халққа қарата: "Биз фикрда Абу Ханифа мазҳабига, ақидада Мотуридий таълимотига амал қилсак", дея хитоб қилинган.

Журналнинг деярли ҳар сонидида халққа маърифат улашиш мақсадида хориждан келтирилган ҳамда янги нашр этилган маҳаллий тошбосма китоблар "Ислоҳ кутубхонасида Қуръон карим, ҳадиси шарифдин, қадим

осорлардин, ҳадид рисоаларидан, ҳар фандин китоблар... арзон баҳода сотилур", тарзда эълон қилиб борилган.

Абдураҳмон Сайёхнинг ислом тарихини яқиндан билиш ва ўрганишга чорловчи асар ҳамда мақолалари диққатга сазовордир. Хусусан, журналда унинг "Тарихи Ислоҳ", "Тухфатул анам тарихи байт ул-Ҳаром", "Тарихи изолат ул-Ғайнан қиссатул Зулқарнайн", "Танвир ул-аҳдоқ фи макарим ул-ахлоқ" каби мақолалари босилган.

Унинг "Тухфат ул-анам тарихи байт ул-Ҳаром" асарида Макка мукарраманинг тарихи, иқлими, ислом маърифати ва маданияти ривожидида тутган ўрни масалаларига кенг тўхтаб ўтилган. Шу билан бирга, Шарқ оламининг XX аср бошидаги қоқоқлик гирдобига тушиши сабаблари ҳам очиб берилган. Қоқоқликдан чиқиш учун илм олиш, фан-техниканинг сўнгги ютуқларидан фойдаланиш лозимлиги асосий омиллардан бири эканлиги таъкидланган. Меҳр-шафқат, самимий муносабатлар, хушхўлқлик каби сифатлар тараннум этилиб, ислом дини инсониятни гўзал хулқу одобга чорлаши муфассал баён қилинган.

Хулоса ўрнида айтганда, журнал



муассислари ислом оламидаги ислохоткор ғоялардан, Европа илм-фани ютуқларининг шиддат билан ўсиб боришидан таъсирланиб, миллатимиз ривожини ўзини тараққий этишининг бирдан-бир йўли фақат илм ва маърифатда эканлигини яхши англаган ҳолда, жамиятни ислоҳ қилиш, ўзгартириш ҳамда янгилашда матбуотни кучли ва тенгсиз бир восита деб билдилар. Шунинг учун ҳам журнал "Ал-Ислоҳ" деб номланган эди.

Нигора РАҲИМЖОНОВА,
ЎзРФА Тарих институти катта илмий ходими,
тарих фанлари бўйича фалсафа доктори (PhD).